

Arkiv:

<arkivID><jplD>
Plannavn-
Kommunedelplan
for oppvekst - Alver
kommune, Komnr-
4631

JournalpostID:

Sakshandsamar:

Dato:

19.04.2022

Saksframlegg

Saksnr.	Utval	Møtedato
034/22	Utval for oppvekst, kunnskap og kultur	03.05.2022
017/22	Ungdomsråd	02.05.2022

Kommunedelplan for oppvekst - Hovudmål

Kommunedirektøren sitt framlegg til vedtak:

Framlegg til hovudmål for kommunedelplan oppvekst blir vedteke slik dei er presentert i saka.

Ungdomsråd 02.05.2022:

Handsaming:

Ungdomsrådet las gjennom hovudmåla, og sluttar seg til framlegget.

UR- 017/22 Vedtak:

Ungdomsrådet støttar kommunedirektøren sitt framlegg til vedtak

Politisk handsaming

Saka skal til uttale i Ungdomsrådet

Saka skal avgjerast i utval for oppvekst, kunnskap og kultur

Bakgrunn

Alver kommune held på med planprosess i høve til kommunedelplan for oppvekst. I kommunedelplanen skal ein følgje opp relevante målsetjingar frå samfunnsplanen og det skal etablerast hovudmål, delmål og strategiar for oppvekst, samt ein handlingsplan dei første fire åra i planperioden.

Prosjektgruppa for kommunedelplan oppvekst har arbeidd med målsetjingane for planen, og desse vart lagt fram for referansegruppa i slutten av november 2021. Etter innspel frå referansegruppa vart det gjort nokre endringar i høve til prosjektgruppa sitt utgangspunkt.

I høve til framdrift i arbeidet, er målsetjinga å fastsetje hovudmåla for kommunedelplanen i februar, slik at prosjektgruppa kan arbeide vidare med delmål og strategiar ut over våren. Det er ønskjeleg å ha delmål og strategiar til politisk handsaming før planen blir sendt til høyring.

Undervegs i arbeidet blir referansegruppa, ungdomsrådet, tilsette i sektoren og barn/unge/føresette viktige bidragsytarar i arbeidet. Så langt har vi hatt gode erfaringar i høve til medverknad frå desse gruppene.

Følgjande framlegg til hovudmål i planen vart lagt fram for utval for oppvekst, kunnskap og kultur i februar:

1. Barn og unge har ein helsefremjande og inkluderande oppvekst
2. Barn og unge får god omsorg i heimen

3. Barn og unge får kompetanse og ferdigheiter til å møte framtida
4. Barn, unge og familiar med særlege utfordringar får koordinert støtte og oppfølging

Etter handsaming i utvalet var det semje om å arbeide litt meir med målformuleringane før vedtak vart fatta. Dette ut frå ønskje om å gjere formuleringane så konkrete som mogleg og med eit klårt og tydeleg språk.

Prosjektgruppa har arbeidd vidare med dette, og presenterer no framlegg til hovudmål for kommunedelplan oppvekst for politisk handsaming.

Saksopplysningar:

I prosessen har det vore jobba med fleire hovudtema eller kategoriar i høve til det å hente innspel til planen. Våren 2021 vart det gjennomført ei intern undersøking om kva tilsette opplever er styrkar og utfordringar i høve til hovudkategoriane som var sett opp i planprogrammet. Resultatet etter denne undersøkinga er presentert i rapporten «Rapport frå intern undersøking – Prosjekt kommunedelplan oppvekst for perioden 2022-32».

Hovudkategoriane var som følgjer:

- Inkluderande fellesskap
- Tidleg innsats
- Læring, livsmeistring og utvikling
- Tverrfagleg samarbeid
- Fattigdom i barnefamiljar
- Heilskaplege tenester
- Digitalisering
- Helsefremjande oppvekst

Det vart i tillegg gjennomført sju medverknadsmøte med representantar frå elevråda, ungdomsrådet, politi, bup, psykisk helse, foreldrerepresentantar frå private og kommunale barnehagar og skular, tilsette i PPT, barnevern, helsestasjons- og jordmortenesta samt kulturavdelinga. Tilsette i private og kommunale barnehagar og skular, styrarar i kommunale og private barnehagar og rektorar i kommunale skular deltok også i denne medverknadsprosessen.

I medverknadsprosessen har deltakarane vore delt i grupper og diskutert styrkar/fortrinn og utviklingspotensiale/ulempes/svakheiter ved kommunen, relatert til oppvekstsektoren og relevante hovudmål i kommuneplanen sin. Hovudmål 3 og 4 er særleg aktuelle for kommunedelplanen for oppvekst.

Resultatet etter denne medverknadsprosessen er presentert i rapporten «Kommunedelplan for oppvekst – Innspel frå referansegrupper våren -21».

Innspela som kom fram i medverknadsprosessen er strukturert i fire hovudkategoriar:

- Trygg oppvekst
- Likeverdig og god opplæring
- Helsefremjande oppvekst
- Tilhøyrslø til nærmiljøet

Prosjektgruppa har henta inn synspunkt på dei nye formuleringar av hovudmål for planen frå tenestemråda i sektoren, og det har vore nyttig å ta ein ekstra runde i dette arbeidet.

Desse konkrete innspela i høve til prioriteringar i første periode av kommunedelplanen vil bli arbeidd med ut over våren 2022.

Framlegg til hovudmål i kommunedelplan for oppvekst

Innspel samla inn gjennom undersøking, medverknadsmøte og referansemøte i 2021 har samla sett utgjort ein viktig del av kunnskapsgrunnlaget for arbeidet med kommunedelplan oppvekst, saman

med anna informasjon som er relevant i planprosessen.

Prosjektgruppa presenterer med dette følgjande framlegg til hovudmålsetjingar i kommunedelplan for oppvekst:

1. Barn og unge opplever å høyre til
2. Barn og unge blir sett og ivaretatt
3. Barn og unge er rusta til å møte framtida
4. Barn og unge opplever at vaksne samarbeider
5. Barn og unge blir møtt av kompetente vaksne
6. Familiar opplever eit godt tenestetilbod

Prosjektgruppa vil arbeide vidare med å konkretisere delmål som støttar opp om hovudmåla samt utarbeide skildringar av korleis vi vil jobbe for å nå desse måla. I denne prosessen vil også referansegruppa bli involvert.